

欽定石渠寶笈三編

欽定石渠寶笈三編

養心殿藏三

皇上御筆

讀史記三皇五帝本紀詩

丁卯

八旗箴

戊辰

宗室訓

戊辰

題棉花圖詩

戊辰

讀尚書詩

巳巳

詠二十四氣

巳一冊

慎刑論慎刑續論

庚一冊

冬夜靜坐詩

庚一冊

西巡紀典

辛一冊

御筆讀史記三皇五帝本紀詩 一冊

本幅紙本。摺裝八幅。皆縱六寸五分。橫八寸

五分

御筆楷書。

讀史記三皇五帝本紀 鴻濛肇太始元會開

洪荒太皞出乎震。雷澤履迹祥。書契創典則。畫卦分陰陽。設官以龍紀。郊子傳載詳。儷皮制嫁娶。結網治具張。聚銅以為幣。肉圓而好方。文德

昭美備長離紛徠翔爰歌扶徠曲立基揚烈光
右太皞庖犧氏神聖德允孚於昭女希氏共
工觸不周一起柱傾圯鍊石五色彰補足免缺
毀立極斷巨鼃聚蘆止滔水天地慶平成渥澤
垂萬紀上瑞席蘿圖川岳效靈美器車出匪奇
澤馬來何駛感名皆翕和經緯咸應理右女媧
氏炎帝火德王母感神龍生斲榛為耜耒始
教萬姓耕躬親嘗百草壽世醫理明制作五絃

瑟大樂和韶頀日中列廛市交易順衆情卦行
六十四爻象皆列成教化徧興起桴鼓響應聲
偉哉三皇世於鑠奕載宏右炎帝神農氏神
農世浸衰諸侯相侵戕黃帝詰戎兵蚩尤破涿
鹿賢相振德威風后繼力牧披山道四通紀官
以雲族政教聿修明黎元普愛育寶鼎現禎祥
自天申福祿右黃帝高陽秉聖德紹述業繼
先疏通知庶事謀略仰靜淵養材以任地載時

以象天。流沙至蟠木。幽陵交趾邊。日月所臨照。
聲教咸暢宣。文龍負圖出。科斗書篆連。戒盈器。
始作。復禮銘著傳。承雲被大樂。同和化育延。右。
顓頊高陽氏。帝嚳亶聰明。生知具神聖。巍巍。
德誕敷。郁郁色輝映。重犁作九招。句龍為五正。
鼙鼓偕壘簾。金鍾沈鳴罄。舞鳳康帝功。和聲宣。
美盛。郅治啟有虞。萬古凝寶命。右帝嚳高辛氏。
君師皆立極。首出欽帝堯。安安緬文思。允恭。

克讓標立木進諫論置鼓直諫招九族既和睦
百姓風化調萬邦盡於變四岳籌旰宵廣庭十
瑞至光被咸美饒黃屋心非樂卓識凌霄霄巍
巍瞻峻業元會大德昭右帝堯陶唐氏唯聖
能識聖升聞畎畝通重華協於帝上日遂受終
溫恭益濬哲明目亦達聰四罪天下服敷言試
以功奮庸諧治理亮采咨百工精一括典要執
兩而用中愧承大寶命兢業凜渺躬言述心敬

慕景仰五帝隆右帝舜有虞氏嘉慶十二年歲
次丁卯仲秋月下旬幸木蘭行獵憩四宜居御
筆鈐寶二嘉慶

臣工恭跋

欽惟我

皇上敕天勤政典學多聞而萬幾之暇惟以博覽
載籍宅心作述為務時敏遜修無逸作所稱
斯比喻契若合符茲於

讀史之次。取三皇五帝之紀。敘其故實。分詠八章。
宣示焉。臣等伏誦之下。竊維上古之世。人民
渾噩。治具簡畧。又以時代荒邈。所傳多舛。書
闕有間。良有以也。即堯舜之世。典謨賁備。然
且以秦火之餘。孔壁所藏。伏生所授。釋經家
各主一是。執辨者多。究之於帝王治道發明
者少。今我

皇上以上聖之資。闡古聖之蹟。覈實練要。探本溯

源事必徵其可行。言必宗於至理。於治世之
大經大法。詳洽貫通。遂使荒邈難稽。迄無定
論者。因

聖言而昭然彰著。况我

皇上心傳精一。道折危微。紹

堯統於一家。致泰平於九寓。謨猷所布。與古為昭然。
猶兢業執謙。不遑暇逸。當

習勞肄武之地。成

考古論世之文

御霜毫於帷殿之中。哀為寶帙。此尤為史冊前聞所未有也。臣等敬觀捧誦。敢以管蠡窺測者。綴言簡末。曷勝歡抃榮幸之至。臣趙秉冲臣英和拜手稽首恭跋。

鑑藏寶璽寶笈三編石渠寶笈所藏嘉慶御筆之寶。執兩用中。

御筆八旗箴一卷

本幅紙本縱九寸七分橫六尺五寸五分

御筆清漢合璧書

八旗箴 皇清受

命撫有萬方白山毓秀闔門衍祥

躬率子弟基開瀋陽八旗布列有正有鑲千城禦侮

勲紀旂常

世祖入關定鼎帝閭爾田爾宅月賜銀糧不耕而食

不織而裳百有餘載

祖

考澤洋名臣勇將佐治騰驤賢才傑出文修武揚

列聖培養治具畢張惟予小子遵守不遑生齒日衆

間有莠良書箴誕告敬聽毋忘國語勤習騎射
必強尊君孝父警情戒狂勿酣酒肆勿入賭場
勿爭小忿反致大傷勿廢銀米債負難償勿游
狹邪勿干憲章乃祖乃父世德流芳胡為暴棄

甘臨患殃。凡此數事。視若病瘍。分置都統。蓋臣
賢王。殫心竭力。協恭贊匡。代予敷教。才智勿藏。
衆擎易舉。共迪

前光。凜承

考。眷宵旰自憂。期復舊俗。永保无疆。嘉慶戊辰閏五
月之下澣。御筆鈐寶。嘉慶

後幅

皇三子恭跋

洪惟

列祖基迹

興京

躬操甲冑克詰戎兵虎旅萬衆旗幟辨名廣四為八

胥我于城

宅燕定鼎四海永清乃眷勲舊帶礪錫盟輝煌祭戟
焜耀簪纓賞延於世祿足代耕百五十載
養生成我

皇紹

統閭澤逾宏養育增額比戶充盈有識大義榜門示
旌有干憲紀擿罰勿輕宜茲臣庶共勵廉貞
生齒既盛久安承平莠良或雜猶軫

聖情

丹毫親御箴諭昭明俗期丕變職望衆擎
典謨洋溢惟一惟精如雷覺聵如日燭盲凡爾勲
裔負識含生咸知感格共沐

恩榮為時河嶽為國幹楨子服厥父弟必恭兄澆
風力革善氣斯迎若農守畔譬射視正當為
矯矯莫效硜硜永濡

隆化勉保嘉聲于

帝其訓率祖攸行端言闡繹敬贊

韶英子臣綿愷拜手稽首恭跋鈐印二子臣綿愷

鑒藏寶璽寶笈三編石渠寶笈所藏

御筆宗室訓 一卷

本幅紙本縱九寸八分橫一丈三尺五寸七分

御筆清漢合璧書

宗室訓 我大清受命於

天

聖人龍興遼瀋率兄弟子姪合力同心開基創業本
支百世源遠流長洵為家國之屏藩永作河山

之帶礪矣。洪惟

列祖。惇宗睦族之深恩。分茅胙土之厚澤。誠度越周
家。遠溯堯典。親親而仁民。仁民而愛物。推而暨
乎四海。誠為政之大根本也。我

皇考上繼

列祖之隆施。深培國家之元氣。昭雪廢藩之誣謗。普
錫合族之頂戴。自孩提即賜以銀米養贍之資。惟恐
有啼飢號寒之累。凡所以養之之道。至矣盡矣。

既養則應繼之以教

特簡賢王管理宗人府。復分置族長。設立宗學。教以國語騎射。間有讀漢書習詩文者。是教之之道亦備矣。予欽承

考訓聿懷

祖恩。先家齊而后國治。曰養曰教。仰循

成憲。曷敢有所增損哉。定鼎都京。已百六十餘年。宗室蕃衍。戶口歲增。度支計口給糧。迥非八旗不

應差役之閒散即無養贍者之可比也。然則養之之道無以復加而教之之道實有所未盡也。蓋承平日久漸耽安逸近年以來我宗室中自親王以至閒散宗室奉公守法樂道安常者固多。然不肖子弟越禮踰閑干犯憲章者亦層見迭出。所為之事竟同市井無賴。朕實不能不加懲治矣。敬思

始祖萬枝一本奕葉同根分藩京邸為天下之觀瞻

縣億齡之統緒。所繫豈淺鮮哉。管理宗人府王
等。只知奉行成例。升遷調補諸事。不外即謂盡
職。倘遇不肖犯法。唯知叩首請罪耳。於良善者
無所勸。巧詐者無所懲。同一宗室。視同陌路。自
問於心。能無愧乎。夫公忠體國之大臣。必先知以
視國事如家事。自勉誠要道也。諸王管理宗人
府。雖曰國事實。家事也。名為公事實。私事也。上
智之資。國爾忘家。公爾忘私。固為至善。次則家

事私事。未有不盡心力者也。若家事私事。亦毫不動念。漠不關心。自問為何如人哉。朕以此數語訓諸王。諸王以此數語訓諸子弟。暨諸族長。諸族長又以此數語遍訓諸閒散宗室。若問予立身之要。曰孝弟忠信禮義廉恥。若問予應為之事。曰國語騎射讀書守分。若問予不應為之事。則一二不肖子弟。自知予實不忍言也。諸王思予不忍言之意。諒必動心矣。此訓著另錄一

紙懸掛上書房。俾諸皇子觸目警心。敬紹予志。
嘉慶十三年。歲次戊辰季夏。御筆鈐寶二。嘉慶。

後幅

皇次子恭跋。

臣聞虞廷陳惇敘之謨。周代著展親之訓。蓋
自古帝王創業承家。莫不親親是重。禮云尊
祖故敬宗。敬宗故收族。聯疎屬之情。即所以
崇一本之誼。孝思錫類之仁。推而建諸邦國。

胥是道也。洪惟我

皇清

龍興遼瀋。統一寰區。

繼繼

繩繩。本支百世而

王迹肇基之始。四友十胤。萃於一家。固已分封享帶。

礪之榮。錫爵綿河山之慶矣。泊乎

列祖

列宗

道隆敦睦。瞻其生計。則給以銀米。榮其等秩。則錫以

頂戴。復

簡賢王。管理宗人府。分置族長。設立宗學。教以國語。
騎射。讀書。習文。則教養之道。兼備。法良意美。
度越百代。誠前古未有之善制也。我

皇父

治美紹

衣。

恩周敦輩以

峻德為睦族之本。先家齊而後國治。推而暨之萬
邦。協和時雍。奏績猗歟盛哉。而猶

慮於教宗室之道。或有未盡也。

特製宗室訓。剴切諭導。俾諸王以此訓諸子弟暨
族長。族長以此遍訓諸閒散宗室。則人人知
所遵循。勉於為善。我

皇父天地為心。胞與為量。四海荒徼之民。無一不
扇淳風。薰善治。咸歸。

覆燾亭育之中。而施行有序。推本於親親仁民。仁
民愛物之旨。

義蘊深宏。

教思諄摯。周官師保之教國子。奚足語於此哉。嘉
慶十有四年。歲在己巳。長至月下浣。子臣綿
寧拜手稽首恭跋。鈐印。二子臣綿寧敬書。

鑒藏寶璽寶笈三編石渠寶笈所藏

御筆題棉花圖詩 一冊

本幅紙本。摺裝八幅。皆縱六寸。橫一尺三寸二分。

御筆楷書

敬題棉花圖恭依

皇考原韻 布種。

祖賦

考題重本原。勤求民瘼。溯

心源冬收選核待春布候應清明木德元 灌溉種

擇高原脈土良功先鑿井利殊方欲期吉貝被
身煖不憚勤劬運臂忙 耘畦花繁茸細茂平

舉長日鋤耘力作勞念此艱辛厭纂組時看
在 筍舊綈袍 摘米旁達尖除始判然冒炎羣趁

雨餘天勤勞婦女同蠶事南北土風著象詮

採棉實生花落用胥同盈畝共襄採摘功春種
夏耘秋始結繪圖題什補函風 棟曬廣場曝

曦慶西成。黃白紛羅。擇必精積。雪鋪雲溢。庭院
符占更願。孟冬晴。收販新棉。充羨入廛。居價
值有恒。每歲如為市。日中皆樂利。懋遷轉運。徧
車輿。軋核上穀。下鉤互轉。旋核分花。細出輕
棉。工同碾軸。農家器。利用厚生。本自然。彈花
弓彎短勁。蠟弦弰彈。擊花衣應手成。畫杵宵砧
相唱和。連村總是太平聲。拘節束帛。即棉本
易言。條分筵卷。紡車源引。端抽緒。渙斯合。進步

用功豈憚煩。紡績握條轉鋌運。輕車引緒成
斤。逐日加。念切民依重。本計應嗤富室炫羅紗。
挽經牽經理緒萬千絲。北架南牀俗尚其旋。
繞縱橫自不紊。心閒手敏便操持。布漿束絢
沃汁異南方。絡以支稜旋轉強。紫衍平鋪兩端
直。功加帚刷益勻漿。上機抽經杼緯理千絲。
高下相環徐引之。要領手持息紛擾。尋端就緒
事咸宜。織布縱橫拔織用功同。績密不求花

樣工布帛禦寒勝錦繡黃棉普被播淳風
染染成五色合精粗耕織工兼比戶需敦俗勸
民繼

先志載賡

天藻續題圖嘉慶十三年戊辰九月立冬後三日御
筆鈐寶二嘉慶御筆藝與道兼

鑒藏寶璽寶笈三編石渠寶笈所藏嘉慶御筆之
寶茂對時育萬物

御筆讀尚書詩 一冊

本幅紙本摺裝二十四幅皆縱六寸九分橫
八寸二分

御筆楷書

讀尚書 君道蘊尚書載五十八卷萬古帝王
師首篇始堯典文思著欽明輝光四表顯親親
而仁民定時歲不舛庶績咸熙和禪舜勲華衍
魏蕩無能名希聖衷自勉右堯典 協帝合重

華受終命以位告天裡六宗覲岳輯五瑞敷言
明試功四凶咸放棄詢謀達目聽量才授政事
時亮庶民安禮樂皆美備二典千古昭研求圖
邳治右舜典危微心所蘊精一惟執中大本
徹上下三聖道統同文命敷四海平成萬世功
從欲教化溥勤儉邦家充舞羽有苗格施德勝
興戎沉潛探奧理仰止欽寸衷右大禹謨聖
王資哲輔美哉臯陶言知人實不易敷惠安黎

元九德載采采。翕受五典。惇庶官。慎無曠勤。敬
重本原。萬幾鮮聞。暇兢業。常存存。曷敢稍逸。豫
展卷。繹至論。右皋陶謨。君臣慶泰。交昌言。感
禹拜四載。昏墊除。洪水分九派。孜孜慎幾康。在
位勿疎懈。宣律納五言。聽政識不隘。敕命屢省
成。叢脞申告戒。賡歌樂明良。追慕心愉快。右益
稷。唐虞聖治隆。有夏承神禹。山川既攸分。則
壤別九土。成賦因地生。作貢非妄取。敬德先臣

民要荒聲教普大清中外同幅員倍上古君臨
實艱哉殫思御寰宇右禹貢堯舜禪大賢啟
能繼禹德威侮必應除親征有扈國抗衡戰於
甘六事咸整飭左右及御人恭命各盡力師行
衆正先貞吉罔不克尤要賞罰明緯武循法式
右甘誓太康耽逸樂后羿距于河危亡哀莫
救五子乃作歌勤民固邦本馭朽防蹉跎禽荒
失其度十旬悠忽過典則既廢墜疇依嗟奈何

玩味作警戒。法言受益多。右五子之歌。日蝕。

天示戒。修德董庶司。義和廢厥職。酒荒罔聞知。
擾紀干政典。入告不及時。討罪辭義直。胤侯掌
六師。舊染咸洗滌。誅渠宥脅隨。嚴明事必濟。萬
世行軍規。右胤征。世風日以降。夏桀暴虐張。
重役窮民力。嚴刑罹禍殃。多罪兆庶厥。願與之
皆亡。受命自亳邑。誓師告戒詳。天討固正人。
事實反常。慙德豈能掩。作俑由商湯。右湯誓。

成湯愧德薄。仲虺作誥辭。逆天壞宗社。順天開
國基。錫智纘舊服。彰信仁政施。民心久愛戴。來
歸恐後期。崇道永保命。治統終昭垂。愛君盡忠
告。嘉言勉有為。右仲虺之誥。克夏肇商祀。至
亳告萬方。上天佑兆姓。助順除暴狂。邦家既寧
輯。兢業益自慶。責人先責己。舍短用所長。人善
弗敢蔽。己罪改不遑。君道具簡冊。與旨誠精詳。
右湯誥。嗣王繼大業。攝政推伊尹。述德陳訓。

言聖武昭明敏以寬代虐。猖修紀民心。允檢身。
切思艱哲人。廣招引。三風務掃除。十愆庶皆泯。
為善降百祥。良法作標準。右伊訓。太甲辟不
辟。進諫述阿衡。作書凜明命。丕承基業宏。儉德
懷永久。典則欽攸行。未克變舊習。不義與性成。
興善去其惑。化格桐宮營。居憂能悔過。感發哀
思縈。右太甲上。終喪省己愆。自責過能改。敗
度背訓言。匡救賴冢宰。君臣接以誠。嘉猷資取

采懋德思孝恭修身戒豫怠視聽盡聰明承休
皆樂愷穆然上古風治理垂千載右太甲中
遷善凜天位申誥重進規有仁民感化致誠神
格思治亂在所與居安常慮危直諫求諸道甘
言毋受欺元良示儀表萬邦咸皞熙舊政期永
守念典承鴻基右太甲下復政將歸邑殫心
告戒陳常德保厥位終始勉日新服命協于一
得天斯得民任官賢才倚其難在知人主善合

統會古聖大本申精粹至理括厚生治道淳右
咸有一德都耿圮河水擇地欲遷殷世族安
舊土浮言互紛紜有居憚遠徙喻義出誓文卜
稽承先命逸口惑衆聞蕩折廢田畝耽逸忘力
勤勗哉相告戒敬事勉樂羣右盤庚上涉河
新邑遷民情多弗願誕告定衆心就安捨危困
不為長久謀懼憂尚自勸承先養黎元樂生消
苦怨上下志協和分猷屏浮論邦家皆吉昌大

業欣永建。右盤庚中。新邑既定居。君臣乃正。

位。慰勞安衆情。上下孚心志。畏難事不成。避害。

就樂地。切念養生。恢基因所利。怨誹感以誠。

忠厚喻於義。戒勉期永肩。交泰興政治。右盤庚。

下。思道每弗言。臣下艱稟令。薄德恐負先。四。

方望表正。淵默寸心純。宥密存恭敬。夢帝賚大。

賢。旁求果見聖。朝夕納嘉猷。啟沃協理性。匡辟。

康兆民。遐邇承休命。右說命上。賢臣遇聖主。

受命總百官。進言戒逸豫。奉天期民安。任事選
才哲。私昵豈可干。有善益加勉。矜能功業殫。從
諫協成德。躬行實踐難。旨哉為政要。百代論不
刊。右說命中。虛已納訓言。進修廣知覺。立事
求多聞。有獲在勤學。師古斯治今。篤信積淵邈。
時敏念典常。終始持志確。成憲監先王。俊乂共
揚擢。勉勵一德孚。三篇仰昭倬。右說命下。祭
祀不可黷。守典展精誠。失禮豐于昵。彤日有雉

鳴祖已進忠告。自省勉改更。徼福涉妄想。天監
視所行。示異知恐懼。咎愆轉吉亨。正德敬民事。
來格欽昭明。右高宗彤日。修德基業興。偕德
家國亂。寶命本難謐。民心大可憚。戡黎周日昌。
進諫竭忠幹。自絕達其亡。淫戲忘患難。衆志盡
乖離。飾非徒嗟嘆。先幾哲士知。天人理一貫。右
西伯戡黎。殷紂日顛狂。憂深述微子。綱紀已
蕩然。小大肆姦宄。淪亡至于今。何策救傾圯。父

師言天災氣數當如此存祀宜出奔受敗義應止三仁各安常彰明去就理右微子商受行暴虐下民視若讎后稷積世德天命歸有周武王繼文考創業揚前休明誓壹衆志孟津會諸侯同力度德義討罪無稽留四海庶安定時哉恢大猷右秦誓上羣后會河朔徇師申誓言肆虐臣下化穢德趨冥昏罪浮于夏桀流毒哀黎元上天鑒視聽一人責攸存侵疆揚我武取

殘除苛煩。衆棄不足畏。同心定業。原右泰誓中。
安民承上天大巡。復申命五常。至顯明荒怠。
意弗敬。姦回遍褒崇。師保皆散逝。郊社祭不修。
奇技淫巧競。樹德務滋培。除惡必窮竟。賞戮既
著彰。克敵士氣勁。右泰誓下。弔民伐有罪。逃
矣。來自西。牧野軍旅集。聽命宣鼓。鼙家索婦言。
用司晨戒牝鷄。逋逃是崇信。肆暴及羣黎。行罰
不愆律。步伐知止齊。除強宥降者。寬嚴義共稽。

右牧誓。告天正于商。順則民心應。無道害羣
生。淫刑任邪。佞若林。反倒戈。不戰以義勝。基開
一戎衣。四海遂大定。釋囚復式。閭爵土。五三贈。
武成。信德昭。治功垂。拱聽右武成。致誠訪賢
哲。安民孰大猷。箕子陳洪範。傳道不仕周。神禹
治洪水。天乃錫九疇。五行敘五事。八政協紀修。
建極用三德。稽疑念咎休。訓行盡遵道。福極皆
自求。右洪範。西旅懷德化。來賓自遠方。服食

固應獻貢。葵非典常。耳目不可。役太保訓于王。
玩物失素。志守道視聽。詳奇異。豈足貴。所寶惟
賢良。夙夜勉勤敬。允迪邦家昌。右旅葵。穆卜
問王疾。自禱欽。周公誠懇。以身代達。孝兼竭忠。
四方咸佑。助寶命圖永終。納冊金滕。匱辟讒居。
國東管蔡。既定罪。禮迎天反風。感應理最速。元
聖至德崇。右金滕。三叔監殷。商轉與武庚叛。
永懷前王艱。西土忍懼難。圖功吉卜。從伐逋除。

暴亂明命奉天行協力無畏憚四國肆害民克
敵在果斷東征志勿移睿智操勝算右大誥
周世卜年長開基德深厚微子象先賢封宋繼
殷後王家永作賓舊業勉荷負嘉德時不忘服
命典則守愛養盡肫誠萬邦感元首宏量天地
同允宜享國久右微子之命康叔封衛地作
誥述先王紹聞繼世德保民治道彰盡心戒逸
豫宅命有典常明罰曰時敘除慙飭紀綱非義

繩以法順則迪吉慶遠猷守勿替敬忌揚烈光
右康誥妹土商故都習染多沉湎祀事及宴
儀用酒悃誠展無醉有節宜養老致豐腆縱佚
失威儀酣身辜自踐大監撫斯民剛制患庶免
羣飲肆非彝敕法懲不善右酒誥周誥道畢
該包括治國理用刑戒虐戕保民胥順紀稽田
去汙萊作室勿華靡明德協庶邦懷來遠及邇
疆土盡安恬和懌消邪詭永命至萬年久安繼

孫子右梓材 得卜則經營宅中居洛邑達觀
位既成庶殷不日集太保陳誥言受命萬邦及
休美慶無疆心常切憂悵監夏復監殷顧畏民
畧爰天眷視所行敬德大本立右召誥 周公
篤親親輔相申告戒東土定國基濶濶自分派
明作庶有功惇厚永垂誠主敬辨偽誠敷教唯
勤勸眷留本至誠退休豈倦懈責難各盡辭熟
讀衷愉快右洛誥 洛邑既定鼎更始誥頑民

舊殷受天罰。有周應運新。嗣王不明德。戡亂承
帝仁。遷徙勿違越。率典命載申。宥過安汝止。克
敬理法循。子孫永承續。集福百世因。右多士。
典謨皆法言。至要首無逸。知艱念民依。寅畏母
縱佚。懷保素儉崇。困窮遍撫恤。反身省己愆。感
化德洋溢。訓王竭忠貞。詠歎章凡七。君道有大
綱。敬勤最切實。右無逸。召公恐盛滿。避位將
告歸。抒誠留輔政。天民理無違。佑命前光迪。明

辟保乂依永念造邦始平格宣德威浮川其共
濟襄贊揚先徽成業勉故事弼予籌萬幾右君
與蔡叔既底罪胡賢命嗣封前愆能掩蓋東
土就附庸忠孝自勤勉垂憲後世從天眷輔正
德民心懷澤濃為善同歸治為惡同罹凶謹初
終不困康濟咸和雍右蔡仲之命殷德感民
深舊土時變亂誕告爾多方千命徒致難夏商
自取尤求主天心換聖狂作由人敬怠寸衷判

順則安宅田更始消離叛禁惡開善良示誠言
豈謾右多加明王治區夏立政首得人忱恂
興賢哲宅俊德日新奮庸熙帝載見道協至純
迪知任職事敬天斯安民出言及讞獄詳慎皆
平均海表罔不服吉士邦家珍右立政四征
綏兆庶歸周訓百官公孤坐論道變理廊廟端
六卿各分職率屬勤敬殫時巡考制度欲知民
事難保邦于未亂思危始永安志崇戒怠忽佑

辟敷教寬。右周官。周公昭厚德。善繼惟君陳。
孝友克施政。率常猷訓。循風行草。必偃視聽同。
庶民寬而有節制。止辟法令申。能忍事乃濟容。
衆大化均。敬典政充實。邇治多福臻。右君陳。
成王古賢君。紹述文武聖。力疾臨羣臣。憑几宣。
顧命。重光定民依。習服咸歸正。嗣守無昏逾。輔。
弼竭忠敬。大濟于艱難。遠邇胥從令。經邦保極。
言。芸簡常輝映。右顧命。三后遺澤深。康王克。

繼述報誥及庶邦念典極誠實德政永昭明保
人志協一建侯樹蕃屏輔佐政循率身守畿甸
封心常在王室憂勞共仔肩合力勿耽逸右康
王之誥東郊待安理簡賢命畢公懋德勤小
物四世元老崇淑慝務旌別彰瘁惟執中辭令
尚體要政典在慎終資富能守訓允修義路同
協心紹成烈基業傳無窮右畢命敷典資哲
臣忠貞欽世篤守緒每憂危若涉春冰促爰命

作股肱。輔相續舊續。民則勉。式和與衆同。所欲
圖。易先思艱。中正一風俗。謨烈丕顯承。光前時
自勗。右君牙。侍御效弼承。左右咸盡職。旦夕
格非心。交修懋君德。大正羣僕從。慎簡屏令色。
便辟肆縱侈。去諛進忠直。初政繼先王。申命為
法則。惜哉不克終。轍迹遍郡國。右罔命。百年
享國久。訓刑及耄荒。訊獄主勤敬。體察宜精詳。
審度重倫要。聽斷本憲章。有疑庶可赦。無憾應

報償罪輕金作贖贖死弛大綱取利民易犯傷
化非典常右呂刑厲幽繼昏亂東遷周始衰
晉鄭輔周室大柄自此移方伯布訓命求助心
可悲材劣未濟難恐隕文武基言哀意悱惻太
阿終倒持戍申酬立已忘雖罪奚辭右文侯之
命周室有懿親伯禽善撫魯淮徐並興戎煽
亂侵疆土方伯統師征至費誓軍伍克敵先自
修甲冑及弓弩逸亡勿逐奔竊誘復攘取違命

有常刑備足能禦侮右費誓 秦穆既成鄭信

邪念復移不聽蹇叔諫千里徒勞師遂致二陵
敗悔過申誓辭黃髮猷盡善諠言易受欺有容
保黎庶冒疾墮國基旨哉昭鑒別用人曷慎思
右秦誓 唐虞三代典謨訓誥治天下之大經
大法孰能出其範圍哉堯舜禹湯文武周公之
聖道桀紂之暴政昭然著於簡冊在後世人主
擇而行之耳然希聖之君實鮮者何也心不固

也。十六字心傳。千古不易。守此治。違此亂。誠有志於治國。不可不求古帝王之道。欲求其遵先求其心。心法何執中也。無過不及。治天下之大本。德仁誠敬。咸由於中。不剛不柔。數政優優中之謂也。夫逸則不勤。怠則不敬。習偽則不誠。徇俗則違道。過柔流為姑息。過剛必至暴戾。皆失執中之理。豈成建中之治哉。執中之理。由心所發。人心易陷。道心難明。能精以察之一以守之。

自純乎義理之正。不涉偏私矣。修身齊家治國
平天下之道。皆歸於執中之興義。非泛論也。幼
讀尚書。未能領畧。今於幾暇。玩味沉潛。恍然有
會於執中之旨。庶不流於過中之弊。用以懷保
萬方。撫綏函夏。有事必勤治。無事不妄興。臣工
共勗民協于中。予之願也。五十八篇。篇綴六十
字。以予之薄識。而欲闡明千載以上古帝王之
道。誠掛一漏萬矣。夫詩成併識。己巳小春月上。

瀚御筆鈐寶二嘉慶御筆之寶惟精惟一

後幅臣工恭跋

臣聞百王之統遞紹至唐帝始表執中六經
之道同歸惟尚書獨詳熙績故上際下校成
參兩之洪敷亦放準循繩邁八九之遙蹟我
皇上襲竅重勲纂

聖登皇

瑤宮毓德之年味餘懋學

黼座敷綸之日。

幾暇研經一十六字之薪傳
甄陶虞夏五十八篇之繩貫

卓越義軒左傳攄吟既仰

元音之振壁經煥彩更瞻

奎什之題欽明首四表之光功魏文煥濬哲著重
華之協輯瑞裡宗開百世之平成后艱厥后
嚴五典之惇敘刑期無刑艱鮮奏而鈞樂諧

聲○貢賦釐而元圭溥慶誓師有六卿之召法
祖○詳五子之歌鼓奏鐸徇早奮行軍之勇升
陌○始毫實開用衆之端大德懋昭本欽崇為
永○保庶邦寧輯順恒性以綏猷端初政於嗣
王○風愆致誠陳三書於我后終始無虧復政
矢○謨胥賴阿衡之一德涉河申誥無慚商邑
之○五遷作霖雨作鹽梅洵臣良而主聖慎禱
祠○慎祭祀貴孚命而敬民夫欲觀得失之林

宜莫過商周之際。故前存祖伊之告。後述微
子之辭。而年紀十三。會孟津以誓衆。基開八
百。至牧野而陳師。定天下於一戎衣。勲追文
考。敷庶民以五皇極。數衍箕疇。修德而誠。西
旅之藝。竭忠而返。東方之旆。絀小腆則誕。敢
紀敘。嘉元子則踐修。厥猷明德。慎罰以誥。封
物。愛心臧而警妹。既垂作室。稽田之喻。益致
祈天永命之麻。周恭先而周孚先。澗渥定邑。

有幹年而有幹止。商奄遷民，知依即功。綿殷周之享國，平格保乂。識旦與之同心，則予一人汝嘉。克庸祇德，降爾四國民命。誕告多方，籲三俊而政進。元公設六官而制先。周禮告謀猷者，宏丕訓。緬文武者，宣重光。繼緒隆建，樹之規。慎事褒保，釐之績。凜顯承於司徒之命，正侍御於太僕之官。訓呂侯與命文侯，中主之福威，并錄采費誓，亦登秦誓，列邦之功。

過不遺釀化懿綱具見曩篇之炳曜懷和吟
德要皆

聖學所範圍合四代而示鈇規

宸章申誠本一中以歸闡繹

天語丁寧數千言

典則常昭億萬禩簡編彌煥臣等循環誦不勝

欽悅之至臣戴衢亨臣趙秉冲臣英和臣周

系英臣王以銜拜手稽首恭跋

鑒藏寶璽寶笈三編石渠寶笈所藏嘉慶御筆之
寶所其無逸

御筆詠二十四氣 一冊

本幅紙本。摺裝十二幅。皆縱六寸九分。橫九寸九分。

御筆楷書

詠二十四氣 有序

三百六句 仰

帝樞之幹運七十二候 欽

聖製以昭垂。惟太平調協氣之符。斯通正合周天之

矩。溯念徵於疇範。疊紹

前謨勤變理於璣衡。踵成新什。粵自羲經畫卦。取象
四時。農帝課耕。肇區八節。有熊漸開。夫六術大
撓。始測夫五行。瞻斗綱以別幹支。是生神策。驗
晷刻而權消息。特掌靈臺。設分至啟閉以名官。
考羸縮疾徐而紀歲。志釐工於堯典。事冠虞書。
繫小正於夏時。語徵戴記。顧臚十二月之序。候
應以中氣為憑。欲探甲子朔之元日。至雖千歲。
可定。若乃時訓義賅乎政要。汲冢留餘月令名。

列於學官。曲臺近古。侯積三而為氣。數應常。

辰指兩以無中。法參置閏。合孟仲季之節。人而

二十四之環周。仁體於元。迓農祥而晨蒐。水

生於一。滋木德以春榮。雨水盛陽彰啟蟄之功。地

雷奮出。蟄驚合社助祈禳之福。日夜平分。春分頌新

火於千家。芳萸秀茁。清明布濃膏於百穀。繡壤菜

鋪。穀雨卜茂豫以方昌。桐生維夏。立夏盼穡收之遍

滿。麥熟先秋。小滿辨嘉種於平疇。芒舒澤草。芒種佇

景風於敞榭。火應星躔。夏至扇薄暑。以助恢炎物。

資長養。暑小沛時霖。而含潤。溥土位中央。大暑迎素。

顯以司權。早涼歸樹。秋立觀白藏之應律。餘燠隨。

飈。暑處甘露云濡。叶金行於爽序。露白嘉禾告稔。朗。

弧宿於中宵。秋分水涸三秋。湛珠華而瑩潔。露寒霜。

清九野。激玉宇以蕭森。降霜陽月指而生冬。緯驚

隕緯。冬立涼雨凝而成雪。細灑飛英。雪小同雲報豐。

玉之占。砌呈三白。雪大長日動飛灰之琯。線認五。

紋至冬乍合凍以凝寒吹騰廣莫寒小倏陳田而擊
莫臘餞嘉平寒大凡茲陰陽少太之潛移悉本生
朔送迎而遞嬗憶昔

題拈呂覽

宣毫陋東海之篇洎予序展出圖寫韻燦西清之筆
茲以幾餘託興賡載攄吟撫節候以重排似番
風之疊引問雨暘而稽寒燠規日月而考星辰
訂作訛成易之經由分得合積章部會元之算

舉正歸餘食哉惟時貞百度必先歲省詩以言
志。厘一人所重民依畧舉弁言非矜藻思云爾。
帝王重省歲四序始於春天德惟生物君心
在止仁一元資品彙萬象幹陶鈞京尹郊迎氣
農祥星見晨土蘇初啟蟄冰解躍潛鱗寰寓三
陽暢雲翹樂舞陳。立木德青陽展根從天一
生陰凝含霖霽土潤暢滋榮正月應中氣寅方
指玉衡溪邊賴取祭霄牛雁長征妙合乾坤泰

昭蘇動植萌和甘相感名庶彙叶咸亨

和雨

地

奮氣機暢蟄蟲皆震驚發揚初蛰動隱伏始蠕

行緋萼陸離煥黃鸝睨睨鳴化鳩感育物布穀

喜催耕應候舒羣植叶時溥廣生招搖臨甲位

展拓啟勾萌

驚蟄

九十日之半敷榮品物欣陰

陽相協合晝夜恰平分燕子簷間繞雷公霄際

聞發聲啟潛蟄掣電透輕雲祈社求多福勸農

始力勤郊圻遍耕作和氣洽氤氲

春分

體驗清

明候季春陽氣充柳榆取新火蘭蕙轉光風
穎茁千畦麥華舒百尺桐化駕感田鼠映日見長
虹敷土增追慕禁烟憫守忠家家皆掃墓達孝
與天通明清和氣妙縈結滋培兆歲康羣生含

潤澤甘雨助豐穰青隴茁嘉穀綠萍漾錦塘鳴

鳩拂其羽戴勝降于桑蠶事時初屆農功候益

忙陽春序咸暢長夏繼繁昌

報雨

韶華昭美富

節候立朱明東作始蕃育南訖益茂榮蓄昌皆

感化長養溥平成。蚯蚓承陽見。穀蟲應序鳴。土

瓜看已結。田麥喜將呈。大德盈羣彙。誕敷九夏

清。

夏立

陽氣初充實。嘉生小滿敷。柳烟方冪。扈

梅雨正涵濡。火旺菜英秀。陰柔葶蔕枯。栽培槐

夏始成熟。麥秋符碧浪。連遙渚。黃雲接遠蕪。欣

看植多稼。勞力憫農夫。

滿小

蕤賓啟玉律。盛樂

八音揚。麥隴穎全獲。稻畦種有芒。臨風翻穉。稊

飡露感螳螂。鳴始百勞。樂聲收反舌。藏化機孚

蠢動物候及飛翔待展

方壇祀元疆厚德彰

推

日長應星火陽盛一陰生

熟麥薦宗廟耘田植稻抗角垂麋鹿解韻轉蟋
蟀鳴半夏茁原野兩端衡重輕氣旋由二至金
伏待三庚爭辨剛柔際定心守潔清

夏至

昏火

旦奎候氣蒸暑尚微溫風極披拂烈日倍光輝
蟋蟀居墻壁鷹鷂學奮飛含靈咸轉運致養括
樞機種稻香風漾耘禾汗雨揮田功正辛苦茂

對念民依

暑小

土德歲中旺陰陽二四凝暑威

未蕩滌濕氣益薰蒸腐草形難復流螢耀可憑
赫炎積湫渥霧沛沐清澄礎潤為霖驗盆傾曰
肅徵漸消蘊隆勢漫飲玉壺冰

暑大

大火西流

候授時屆白藏金風薦涼爽玉露滴濃穠蟬正
千枝噪桐先一葉翔興來吟子美聲至賦歐陽
夷則氣含肅蓐收音應商稼成農樂稔比戶慶
豐穰

秋立

溽暑因秋斂炎蒸氣盡消蒼鷹捕飛

鳥珠露咽鳴蜩商肅通天地日高淨沈寥嘉禾
普成熟瑞穀遍滋饒川靜潦將徹林疎葉漸凋
廣庭挹清潔爽籟響調不處暑金鬱凝陰布涼

宵白露濡暑除知雨歇寒淺未霜敷桂潤千囊
栗荷擎萬顆珠塞鴻翔遠渚元鳥啟歸途備養
禽藏食含芬棗剝膚最宜明月夜的皦綴平蕪
露白陰生至於酉驗候仲秋中氣判門初入日
分田告豐收聲寂雷電坯戶靜昆蟲潦涸淮河

奠。瀾。安。南。北。同。見。星。主。平。治。獲。稼。樂。盈。充。萬。寶。

實。倉。廩。西。成。農。畢。功。

如秋

律。中。應。無。射。氣。寒。露。

結。凝。天。根。昭。水。涸。辰。角。見。宵。澄。月。皎。懸。如。鏡。雲。

輕。散。似。繒。雁。鴻。來。不。爽。雀。蛤。化。相。承。菊。砌。黃。華。

煥。楓。屏。紅。錦。蒸。欣。看。滋。晚。稼。序。順。協。休。徵。

寒露

秋。氣。益。嚴。肅。戒。寒。露。作。霜。降。原。臨。冷。節。收。物。應。

清。商。捕。獸。豺。陳。祭。來。賓。雁。向。陽。離。披。草。變。綠。搖。

落。葉。全。黃。天。駟。層。霄。見。蟄。蟲。深。穴。藏。楓。林。添。絢。

爛青女炫容光

霜

陽月百工斂初冬萬物成

小春彌宇宙大饗會公卿獲稻為佳釀躋堂稱

兕觥水凝冰始結地凍氣將盈雉入水為蜃龜

塗血用牲黃綿舒愛日和煦被羣生

冬立

氣寒

先集霰作雪始霏微見晁薄蕤化隨風細屑飛

潛藏虹不見閉塞歲將歸上達天心迴下凝地

脉肥沐膏欣浹洽承澤豈依稀高宇同雲釀已

微盈尺機

小雪

暢月重陰結霧霧大雪敷六花

新蕊拓三白瑞徵符梅共舒瓊萼冰同朗玉壺
無聲潛鶻旦有感合於菟荔挺出林角芸根生
戶隅鱗塍遍皎潔宿麥沐涵濡

大雪

羲馭行南

至極陰物候推天心七日復地底一陽來線益
金閨綉室飛玉琯灰蚓蟲依序結塵角及時摧
泉動漾深壤雲書煥上台展裡大報本生物氣
機恢至冬不周風感發氣肅釀輕寒乘屋田功
敏于茅民力殫占風雁程啟擇向鵲巢安錦雉

鳴有嘯。土牛攘去殘。嘗魚薦宗廟。修器勸農官。
已屆嘉平節。迎新慶履端。寒小來復機初暢。大

寒氣始宣。嚴凝颼若箭。栗烈火無烟。埭靜雞方
乳。林疎鳥疾穿。層冰徹上下。沍凍倍剛堅。默契
乾坤奧。敬持造化權。萬年週甲子。元會妙推遷。
大寒己巳嘉平上。漸御筆。鈐寶二嘉慶

鑒藏寶璽寶笈三編石渠寶笈所藏嘉慶御筆之
寶。執兩用中。

御筆慎刑論慎刑續論 一冊

本幅紙本。摺裝十幅。皆縱五寸四分。橫一尺一寸。

御筆楷書

慎刑論 天道好生。然不能專以春溫而成歲。必有秋收以濟之。聖王尚德。然不能專用寬柔以治世。必設律例以齊之。得情勿喜。原屬不得已之苦心。若鍛鍊羅織。斯流為殘忍暴戾。相去

愈遠矣。世道人心變幻詐僞。竟有出於律例之外者。必求一至當不易務。使生者無憾。死者釋恨。兩得其平。唯視其自取。勿以己意重輕曲直。自在。應念一死不能復生。可不慎乎。刑期無刑。辟以止辟。保全良善。翦除邪慝。誠仁者之用心也。弼教化正風俗。皆從慎刑始。所繫豈淺鮮哉。酷吏縱欲亂法以濟其貪。王法所必誅。由於大不慎也。亦有惑於積陰功之見。妄談救生不救。

死之論是誠見牛未見羊矣。被害之人呼號悽
慘。反不加憐憫。轉惜頑梗之凶徒。是欲積陰功。
殊不知大損陰功。亦不慎之所致也。慎之一字。
為用刑之大綱。豈可玩視人命。逞一時之喜怒。
以致寬嚴失當。則民無所措手足。冤抑不得伸
矣。從嚴固宜慎。從寬亦宜慎也。生者雖可矜。死
者尤可憫也。刑罰不中。上干天和。水旱災荒。皆
由此起。可不慎歟。近日細閱各省招冊。殫心竭

慮○惟○求○一○是○勉○於○慎○刑○愛○惜○民○命○曷○敢○稍○有○忽○
略○乎○故○著○此○論○以○示○法○司○我○君○臣○同○折○衷○於○慎○
庶○幾○獄○訟○漸○鮮○所○保○全○者○衆○矣○

慎○刑○續○論○ 道○德○齊○禮○有○恥○且○格○聖○王○治○世○之○
大○經○也○三○代○以○降○莠○民○漸○多○犯○法○者○衆○以○刑○齊○
之○補○政○令○之○不○足○也○天○道○好○生○仁○君○惡○殺○推○同○
胞○之○懷○豈○忍○肆○行○誅○戮○擴○物○與○之○量○奚○可○妄○作○
刑○章○天○下○至○大○賢○否○混○淆○人○君○總○乾○剛○法○司○持○

律例犯法必懲。干典不赦。存心公正。察理精微。勿因喜而疎縱。勿因怒而株連。一字不可妄加。一言不可臆造。朝令暮改。妄思更張。大不慎也。心同明鏡。物來自照。妍媸不能易其形。藏匿不能遁其影。寬所當寬。盡仁心也。嚴所當嚴。飭法紀也。失於寬則姑息養奸。貽禍益大。過於嚴則淫刑濫殺。民不聊生。皆不慎之所致也。夫刑所當刑。雖大辟不為酷虐。若不當刑。即笞杖亦屬

妄用法律既設豈可更改今人才識遠不逮前
輒思析言破律必至壞法亂紀民無所措手足
矣一人有一人之性情一事有一事之情理奚
能先設科條轉多偽作增獄訟啟爭端可益於
政治哉刑者弼教化之不足明倫常之向背勿
逞一己之識見弛百代之紀綱慎終如始細心
體會庶幾無枉無縱生死消忿中和之氣感召
陰陽災沴除和甘降皆慎刑之功效豈淺鮮哉

前歲曾著慎刑論。近見內外問刑官吏引律多不妥協。意為重輕。此不慎之大者。故以予意續論之。庚午仲冬御筆。鈐寶二嘉慶。

鑒藏寶璽寶笈三編。石渠寶笈所藏。嘉慶御筆之寶。執兩用中。

御筆冬夜靜坐詩 一冊

本幅紙本。摺裝四幅。皆縱二寸八分。橫五寸五分。

御筆楷書

長至宵益永。地底旋本原。時哉不可失。息養善性存。靈輝徹月窟。素志培天根。安心歸簡易。據理除紛煩。內修苟無懈。漸進道義門。以古為今鑑。了然知明昏。庚午冬夜靜坐。御筆鈐寶二。

嘉慶御筆藝與道兼

鑑藏寶璽寶笈三編石渠寶笈所藏嘉慶御筆所
寶惟賢

御筆西巡紀典 一冊

本幅紙本。摺裝二十六幅。皆縱七寸。橫一尺一寸五分。

御筆楷書。

啟蹕西巡。瞻禮五臺。即事成什。有序地雄句。

注。參虛輝代朔之躔。境闢耆閭。震旦湧。

曼殊之座。考圖經於上塞。巖壑搜奇。徵梵筴於諸天。

剎塵接武。湖。

仁祖翠華初莅聿探殊勝之蹤逮

純皇丹仗頻移每

駐清涼之蹕良以為民

祈福偕紫濛而成效皈依因之

展義巡方陟香界而屢紆信宿予夙殷企仰未獲攀
躋念五臺崇象教之規維

烈祖懋香升之典殷禮雖縈於寸抱積誠猶蓄以彌
年蓋車駕經行務從簡約矧方輿省覽非侈游

觀憶昔年侍

輦南邦讀

記遑云輕舉緬關里隨

鑒東國紀程尚待虔瞻屬淀津之績奏底平閤隄塢
而躬勤荒度無非事者亦曰時哉茲以重吏陳
詞覲豐亨於樂土編氓望幸答顯佑於名山允
迪

舊章毋滋勞費預治法宇弗事紛華逶迤三輔之區

距晉郊僅踰百里。涉厯千盤之峻。俯冀壤止隔
一程。候方煦乎閏春。紫甸非關攬勝。禮並隆於
方岳。金泥詎數登封。記里遵塗。展軫成什。山
左江南隨。

聖駕西巡。諏吉啟長途。率由

仁祖省方典。敬闡

高皇御世謨。黃教振興安。遠服綠疇。初茁戒前驅。張
燈結綵。申嚴禁。不擾蒸黎愷澤敷。望大房山。

神京右峙遍巖溪。脈接太行晉乘稽。玉室洞天
凌漢迥。上方古寺矗雲齊。翔龍勢展千層嶂。集
鳳祥輝五色霓。指日臺懷攬名勝。吟情先度衆
峯西。寄題雲居寺前歲訪初地北峪探幽奇。
一飯問前路。小住未踰時。我豈隱逸士。何暇閒
游嬉。此行弗命駕。不即亦不離。西望蓮髻聳。恍
覩曼殊師。妙相原無二。心誠感應隨。春郊晴
景如弦管。道控金鑣塵。淨風停暢霽。霄田野含

膏遍深透。峯巒積雪未全消。碧鋪坡坂新莎綫。
綠茁陌阡宿麥苗。春藹王畿東作始。感承

天澤兆豐饒。安河清渠曲折注千畝。彷彿江鄉風

景同。旱澇無虞利誠溥。興修先自淀池東。

即安河

國河。源出易州北窮獨山。白楊嶺。亦名濡水。一名聖女水。乾隆辛巳。皇考俞地方大吏之

奏。

命發帑修堤堰。濬源流。以達溝澮。灌溉

田水。著有成效。

賜名安河。是年有

命

直隸總督方觀承疏。濬安國河紀事詩。蓋三輔西南。古稱沃壤。惟因潏沱桑乾著名諸水數道錯出其間。潏河郡邑屢受其害。而東西七十二淀。地勢窪下。每至雨水盛行之時。不能消納。亦

有泛溢之患。修治誠不可緩。顧茲事體大。非厚
集經費。物力大興。工作不可。曾命長蘆。權鹽之
臣。籌備帑項。以俟工需。而尤要者。因勢利導。東
淀池為衆水所湊。毗連析津。施工在所宜先。是
就下之勢。既得。則別繫芟捷。較易成功。此予注
念於直屬農田。欲為之弭旱潦也。故於過安河
而詠
及之
恭謁

泰陵

泰東陵

御極十三載。聿垂世作求。

憲皇德誠厚。

文母澤長留。繼述期無忝。紹承勉有猷。抒衷奠松砌。

霑灑望。

珠邱

孝淑皇后陵寢。酹酒述懷。韶華十五度。感序憶芳
型。酒滴苔階綠。淚揮草砌青。抱孫憐我獨。鼓瑟
愴誰聆。水月鏡花絢。達觀泯影形。黃金臺戰
國縱橫。逞辨才。燕昭求士築層臺。郭隗自薦近
游說。治事用賢至道該。荆軻山士死為知己。

捨身實有為。白衣哀稚弱。赤膽動鬚眉。亡國禍
難解。酬恩心不移。悲風吹易水。猶作怒濤馳。
御行營禮成。初改西巡蹕。平甸高張黃幔城。畎
畝遙連綠苗茂。峯巒繚繞翠屏橫。諸藩隨侍襄
隆典。萬幕周環拱御營。行慶省耕施惠澤。潤含
沃野暢滋榮。安肅道中望紫荊嶺京西郡縣
始時巡問俗觀民風近淳綠甸平開麥芄茂紫
荊高峙嶺嶙峋峯崖環列雄畿輔關隘聯綿控

晉秦設險置防總陳蹟金城守德念常循
五公城避亂山中甘淡泊五公封邑至今垂尊崇
外戚非良法新室已將漢祚移木蘭國代父
從軍旅孤身清潔持心堅豈巾幗氣正傲鬚眉
達孝難移志成功不受施求歸侍膝下後世聞
中師過堯城村敬述古聖發祥地景仰堯城
村道統肇虞代帝王溯本原禪舜公天下明達
闢四門我

考屢巡莅歸政

聖製言

乾隆壬子。我皇考以西巡經此。有詩曰。每過仰高山。嗟乎徒望洋。所幸請東坡。

命舜紀事詳。蓋因岳命舜事。時堯年八十有六。因計歸政之

年。正與堯相同。故微引入詩。以為厚幸而

猶之歲。未嘗不與堯同。而授受一家。堯固不能得

諸唐虞之際也。然則我皇考之廣運聖神。

上孚。大統。敢不勉協。帝之忱。若謂上婉承

華。自知未逮。亦惟有不懈溫恭。以冀庶民從欲

稍副我皇考知人則哲。乃命以位之

心。遠邁放勳德治功奕葉存。渺躬實禱昧重華

心。遠邁放勳德治功奕葉存。渺躬實禱昧重華

難并論一家親

授受正朔同臨軒

厚澤末由報修己安黎元
柏巖山古木蕭森繞柏

巖浪仙石刻碧峯嵌自成一體甘清瘦名以詩
傳品不凡
葛洪山曉渡唐河大野開直北列
岫凌斗魁聞道葛洪養丹處恒岳分支華陽臺
萬峯聳翠層霄見
倏忽霽暝烟霞變勝景游目
酬短章鍊藥駐顏漫欣羨
觀民繡野展春巡

泉甘而土沃。壓壠麥新盈。淺浪含颺綠。村舍夾
長途。兆姓相連屬。瞻就出至誠。淳風厚習俗。君
民胞與同。為政治從欲。我

考付蒼生。愛養勉繼續。謁靈濟祠。江鄉多溪河。引

流注畎畝。旱澇得兼收。小民恒產有三輔。水久
湮沃野。土脈厚金開。廣利渠。明濬建閘九。

皇考命督臣。疏治沐澤久。謁祠祈

佑民。興工舊章守。阜平縣建置幾更易。

仁皇設縣城清時沐安阜盛世樂昇平
村鎮連雲集黔黎夾道迎撫茲熙皞
象戒慎謹持盈普佑寺瞻禮祇謁
花宮駐錦鞦辦香祝稔寸衷虔金
身常現莊嚴相

天藻永輝松石禪

寺中有額虔瞻

佛日如仰聖祖御書松石禪局

式臨

題近清齋辛年發帑丙年成

六御暫停利衆行

是地至清涼山祇隔一程我皇考每次西巡率

御行帳至

乾隆辛丑年迴蹕因念由此頓出龍泉關度長城嶺多遇雨雪馱載每虞遲滯爰特發帑

金命置臣葺治行館數字扈從行旅咸資利便
乾隆丙午 皇考御此 題額落成並作

紀緣起 詩以 萬嶺迴環連遠塞五臺掩映接長城

心存肯構

聖謨闡典啟省方渥澤宏西望雲中佛地近大慈普

濟衛羣生春祺室檀屋七朝宿憩躬室更宜

鳥聲出密樹花氣透疎籬憑檻韶光富開窗嵐

黛披詰朝莅晉省繼

澤普春祺招提寺梵語招提華語寺如冰化水水

凝冰聖功釋理何分別濟衆能仁臻上乘
三
箭山青山高峻插層霄三箭踰峯

聖蹟昭仰望自慙才力薄勉承

家法溯源遙龍泉關敬和

皇考六依

聖祖元韻燕晉提封界層巒接太空承

先巡典肇法

祖慕懷同

西巡臺山肇自

聖祖我

皇考六

次幸臨所

製沿途名勝紀事諸詩率

紀

多敬依聖祖元韻以誌不忘
典茲初禮清涼為民祈福亦所以仰承皇
考法祖之深衷也况燕晉壤地相連古雖
限以巖關實則輔車畿內顧可却羣黎望幸之
殷乎俯矚麥田綠遙瞻海日紅德敷勝設險域外
總案中策馬度長城嶺作歌紀勝層崖疊嶂
連太行巖城萬里雄邊疆龍泉西上接晉地峻
嶺橫亘排九閭我朝

家法重武備歲莅北塞興安梁遼瀋東巡仰

天作三關崩劣凌霄蒼扈

駕甲辰登岱岳日觀憑眺昭重光名山屢陟眼界暢
五臺勝境茲省方東燕西晉此分界百轉坡坂
環羊腸禮謁招提次印石二寺名霧斂春宇昇朝
陽青驄緩控度崖壑直超雲表登崇岡吉行未
逢風雨雪氣候溫暖消寒涼何修際遇感

帝貺觀民誕布恩澤洋初瞻法苑沐庇蔭

佛慈普濟咸樂康入山西境大嶺跨燕晉歡迎
衆叟童峰巒雄代郡儉樸守唐風令肅民無擾

官清治自隆。蠲租免輸納。渥澤務盈充。湧泉
寺初莅清涼境。先參寺湧泉。新題詠淨土。舊志
印心傳寶殿。諸天接虛窗。萬景延從茲。勉精進
目極五臺巔。射虎川恭依。

皇考壬子詩韻。峭壁灌叢曾伏虎。

聖皇一發仰。

天威效靈自地。甘泉湧因利闢田。猛獸希。

長城嶺西
陡壁灌叢

嵌空蔚蒼。康熙二十二年。

聖祖親射殪之。是川巡經此。

有虎伏叢薄中。

聖祖親射殪之。是川巡經此。

得名。嗣以守土之臣。第除榛莽。有泉湧出。清甘
澄潔。遂名神武泉。昔我皇考西巡。緬
懷遺烈。每誌企仰於篇什。至我
皇考克繩祖武。每殷殷於騎射行圍。以不
忘習勞家法。垂示後人。渺躬仰法。先
猷。亦惟有勉其不逮。毋替前寧至教爾。

祖武光前億年煥

考詩示後七言揮敬瞻

遺蹟彌慙。慙彊勉寅承。曷敢違臺麓寺度嶺路坦

平駐轡登初地寺建東臺東我

考六停蹕敬禮文殊尊成大圓鏡智精進在寸心潛

修無二義。形影總不離。奚可言同異。覺已斯覺。
民戒定能格致。雨花掌文殊。致問甚深法。龍
象皈依天雨花。震旦迷途實難度。貪癡業重路
趨斜。駐白雲寺行館恭依。

皇考壬子詩韻問俗臨晉疆。省方循例事是地。果清
涼。沿山皆佛寺。路中屋數楹。乾隆乙亥置。

六巡屢憩停。恤衆息車騎。白雲出岫迎。展禮予初至。
默契去來緣。靜叅半滿字。傳燈闡光明。頓悟。

授受義

靜宜書屋由旬程近蹕徐移翠滴千崖潤

景披觀吏閤章幾少暇書齋靜覺閨春宜引

懷堂四圍烟黛罨峯崖細雨溟濛永晝佳北望

層霄聳五髻塵清嵐秀引詩懷殊像寺然依

皇考壬子詩韻喜近清涼界欣瞻方廣筵狻猊永伏

猛龍象共皈禪靜悟儒通釋勉圖後繼

前慈雲開雪嶺暢霽惠風宣

初一日微雨即晴
諸峯皆有積雪

靈

鷲峯文殊寺瞻禮靈鷲飛來震旦東蓮臺常峙

四臺中。曼殊音與滿洲近。經藏心叅冊府同說。
法六時警迷惑。現身七日具圓通。辦香申祝瞻
獅座。福國佑民紹。

聖衷。

恒春堂恭依

皇考辛丑詩韻。

在天慧日照恒春。住世虔叅

出世因。

此處行宮臺山之中。昔我

皇考莅此。

者恒垂無量。茲予虔叅。出世佛心。舉為民
祈福之典。惠澤普加。即以住世因緣。密證甚深。

願力一切有為法。原不殊昔今同異爾。

堂據坡陀衆山繞

藻輝河漢五峯峴。省耕問俗修巡典。崇儉黜華懷庶

民。賜復蠲租遍晉省。新恩仍渙

舊恩綸。清凝齋恭依

皇考丙午詩韻。勅幾稍暇憩巖齋。晝漏舒長春景諧

窗外峯巒梵宇列。案頭筆硯懋勤排。拈吟佳境

抽新穎。驗候山花茁嫩芳。能守訓言欣儉撲。四

朝駐轡暢予懷。

賦得膏雨自依旬。

得期字五言八韻五

臺名時巡問民俗春雨
試題

上蒼施常沐一犁潤欣依十日期隨車全透足洽旬
普繁滋新麥碧盈隴柔莎綠滿陂五臺瞻勝境
諸佛布鴻慈渥澍平疇浹濃膏衆植資雲籠寶
塔院香遍玉華池祈福敷

先澤掄才衡鑑持題黃鉞長城嶺春晴攬勝卷大
嶺凌春宇凝眸暢曉晴雲容籠遠近嵐黛襯晶
瑩古寺紅連堞喬松翠繞城詞臣抒藻思畫法

印詩情。登黛螺頂清涼勝概聚東峯。造極來
瞻滿月容。溪澗迴環冰百疊。崗巒削方徑千重。
烏輪昇海霞輝目。螺頂凌霄雲盪胸。靈氣絪縕
若相接。山光林影淡還濃。游金剛窟普樂院
諸勝境。瞻禮黛螺旋攬轡。問巖壑。遙矚巖若屏。
近覩崖如削。

聖祖額雁堂。金剛曾住脚。北上境秀奇。

皇考顏普樂。昔章嘉國師。瓶鉢時寄託。轉世俗尚延。

真幻原無著。黃教馭羣藩。深意存遠畧。守成凜
持盈。

心傳敬述作。羅睺寺試考阿含經。我佛原有子九

齡。即捨家。竹林留聖水。密行第一稱。禪宗得直

指。心印守弗違。人天大歡喜。

中阿含經云。佛妻耶輸陀羅生子羅

睺。羅九歲出家修行。佛於王舍城竹林迦蘭哆園。留水覆器。示以大道。在十大弟子中。密行第一。是佛之正法眼藏。未嘗不一家相授。而信奉心傳者。其為人天歡喜因緣。真有不可思議者耳。

顯通寺恭依

皇考士子詩韻紆迴山徑重仰止最高峯

宸翰億齡煥祇園萬古蹤禪心希淡泊世態警酣濃

迷夢從何醒春林夜半鐘顯通古？大孚靈鷲寺漢明帝時摩騰法

蘭西來見此山乃文殊住處秦帝建寺震旦祇園此為最古山形若天竺故以靈鷲名冠以大

孚二字解為宏信也明永樂中重建改為大顯通寺今仍其名寶塔院志傳

雙塔今瞻雙紺髮存乎舍利存佛與文殊是一

二鏡花水月總無痕寺內有阿育王所置佛舍利塔左有文殊髮塔今祇

存其一其為佛舍利耶其為文殊髮耶皆不可考佛菩薩以法身為幻住所存者又何足道哉

壽寧寺佛壽徵無量。梵天慶普寧。雖云瞻有相。究竟視非形。靜覺玉毫燦。時霏花雨馨。慈心即聖治。忠孝是真經。玉華池恭依。

皇考壬子詩韻八功德水滙。挹注七寶池。玉華散天女。意葉心香披。白蓮出泥滓。光彩如凝脂。明月印朗澈。清風漾漣漪。

璿題契真諦。愚暗嗟未知。寄題北臺名山駐蹕四朝仍。

考訓親聆永服膺。初地清涼欣遍覽。北臺雄峻未能
登。峯真叶斗璿。璣繞嶺欲摩空。雲霧騰到亦非
真。望非幻。心香直達最高層。臺懷晴望初啟
西巡典。欣逢節候暄。澤覃宣。

考德春暖感

天恩嵐黛登高嶺。韶華盡小園。寶光瞻

佛日。霞彩煥珠璣。山行即景。施暖風和。候不寒。

鳴鞭登陟北巖端。五臺禮佛心彌靜。四日游山

興未闌。寺迴特標峯百丈。驥良倏度徑千盤。天
澄境朗目無際。環拱岡巒暢大觀。迴蹕至鎮
海寺。佛地隨緣欣小住。旋鑣遵路敢稽遲。更探
古寺憩征騎。憑眺山窗妙繪披。春崖罨翠萬
松深。淨土安禪契靜心。海寓承平資永鎮。常輝
聖日照青岑。白雲寺行宮作臺懷。啟歸轡。信宿度
長城。青嶂自今古。白雲任送迎。窗臨崖峻峭。簷
映旭晶瑩。東望晴霄迥。連綿大嶺橫。靜宜書

犀平坂乘驄廿里餘。寺傍行殿景清舒。柳垂淡
綠臨閒砌。松滴濃青蔭遠墟。佛佑昭明候。和煦
民情愛戴樂于胥。有孚勿問徵元吉。申命館臣

續志書

命文類館諸臣
續修清涼山志

臺麓寺遍謁琳宮別

翠微再游臺麓薄言歸珠旛飄漾法輪轉蓮座
清涼慧日輝儒釋跡消真悟道去來心貫始知
幾漫叅宗乘涉虛寂總為蒼生福澤祈靜寄

齋

聖題齋額意景仰見

天心動以靜中寄。實從虛處尋。誠明納衆善。坦蕩達
羣忱。循理太和養。屏除物欲侵。山亭晚眺觀。
民晉省蹕初臨俗。儉風淳慰寸心。梵宇咸瞻表。
默契離宮信宿路。重尋霄澄嶺嶠蔚藍迴。日絢
林端紫翠深。靜憇山亭舒遠目。五峯雲表現巖
壑。度嶺十二韻。巡晉未旬日。旋鑣路轉東。提
封兩省判。教養一家同。嶺度長城峻。峯攢高宇

雄舍和時煦。嫗納景旭曠。隴崩劣迴飛。鳥紆環。
緩策驄。岩葩初灼爍。澗雪早消融。既降危坡仄。
重登複道崇。岡巒形在抱。谿壑目難窮。馬首三。
花燦。羊腸九折通。岫明全豁霧。林靜不搖風。雲。
斂層嵐翠。霞標遠嶠紅。往來旅貞吉。誠感。

吳慈隆

青來閣。小閣對北崖。衆青來戶牖。紫塞萬。
里環。形勢瞻雄厚。雲霞互吐吞。佳氣蟠岡阜。山。
靈鎮乾坤。元會谷神守。澹漪書屋曲。澗幽泉。

引碧漪。塙根伏見滙清池。臨窗明鏡澹相對。林
影花光漾岸湄。盼雨臺山未逢雨。行旅感

天慈。既度層巖峻。還祈甘澤施。周原覺微曠。宿麥待

繁滋。已近朱明候。醲膏願及時。箕山西北青

峯形若箕。相傳大隱此棲遲。許由蹟在登封境

附會原非正。史垂

箕山在行唐縣。以峯形若箕得名。與豫省登封縣許由所

隱之箕山無涉。而行唐復有牛飲山。志乘遂以附會不足據也。

喜雨十六韻

閏三月十二日盼雨吟初就。繼成喜雨詩。感承

諸佛佑虔謝

九霄慈怡應閏春候將臨首夏期羣峯濃霧合四野

晚雲垂亥刻始飄灑中宵益暢施清聲傳毳幕

逸韻滴羶帷寅荷逢年慶何須問夜知嚮晨蹕

徐啟廣甸澤優滋巖樹籠嘉蔭林葩濯艷姿溟

濛界嶺

地名

嶠羃歷派河

地名

湄新麥盈千頃高楊

裊萬絲酣醲膏普遍浹洽物無遺接壠深霑溉

連村共樂怡問農豐可續策馬潯奚辭序協兆

民愜歲康庶政宜

天恩昭博厚奉若沐繁禧至正定府作京邑西南

稱重鎮臺山旋轡蹕途通河流近繞榮光映霽
宇遙輝淑景融經正民興胥輯定雨敷田潤慶
攸同迎鑾萬姓羣瞻就撫視彌殷保赤衷崇
因寺古寺貯全藏西來意未湮治功原濟衆佛
法本能仁普洽慈悲願同修清淨因安禪豈崇
尚從善化愚民隆興寺敬疊

皇考九言詩韻。

西巡六度繼序勉紹聞為民祈福頂禮文殊尊四日
停鑾即命返車騎歸途欣近正定郡北門遙瞻
法苑璀璨人天界佛香高閣傑峙層霄雲開皇
龍藏始現莊嚴相百千萬劫旋轉大法輪興廢
新故世態總虛幻金身不壞赫奕凌蒼昊西天
東土只在寸田境曰儒曰釋識見徒紛紛治民
度世聖功即禪理妄起邪念遂致門戶分渺躬

受璽忝繼百王後。龍象衛護生我惟庚辰。

仁祖

高皇茲地屢駐蹕。來瞻大士五體虔。敬申甘露慈雲
宇宙遍涵育。恒河沙數感悟修。心身范銅刻木
謂是誠實相。夢幻泡影露電經。曾云傳燈古佛
傳心紹

皇考仁和中。正能息閭浮塵。神道設教化。導衆愚暗
以大雄力。蕩滌諸魔軍。

兩朝宸翰魏煥七寶地。昭回雲漢光彩楣。招存是一
非二。過去即現在。迷形認影。母以幻作真。觀世
音具佛妙觀察智。默契實諦。豈同妄語。論省方
問俗。普濟烝黎。衆敬敷

帝澤舊典仍備陳。言為心聲。情不能自己。勉賡

天藻。嘉慶辛未春。題廣惠寺浮圖多寶龕。龍天。隋

建唐修千百年。寺並隆興境。昭著傑施。廣惠澤
敷延。一燈吐燄。原無盡三藏。從心變有緣。進步

坦途終得益。妄思即墮野狐禪。
望滹沱河紀

事府治昔省城

先帝駐行旆。滹沱本大川。禹功萬世賴。遙源溯代州。
環繞城如帶。挑溜築壩堅。南徙十里外。東下入
津門。漳滏衆流會。水性亦挾沙。奔騰急湍瀨。
皇考授機宜。疏濬通溝澮。河村舍安永。免蕩析害
凡事在人為。志定功成最。水利興淀津。

天恩望廣沛。行宮晚坐觀。吏閱封奏勅。幾總未遑。

禪關鄰靜謚春晝覺舒長閣頂藩徐轉林端鐘
緩颺新晴臨首夏納景兆豐穰詠劉禹錫事

陋室著銘皆雅論趨炎易節附權門辭清行濁
德馨失不以儉人廢所言

定州南有陋室相傳劉禹錫製銘即其處

然跡其生平趨炎亂政實有愧於德馨之語則其地之傳不過因其銘而傳耳不以人廢言亦聖人之意也衆春園敬依

皇考壬子詩韻衆春佳境夏初宜宋代園亭始蒞之

雙石臨齋態幽秀百花繞砌候熙怡

天題丕煥瞻常住

聖藻光昭益永思。自識拈吟欠敏捷。欲賡蘇韻染毫

遲。

衆春園為宋韓琦鎮定武日所建康熙年間定武牧韓達麻移雪浪石置園內乾隆丙子

督臣方觀承復得一石於臨城。皇考亦命

移置於此。每經臨莅輒夢蘇軾雪浪石詩

韻賦之。予雖喜於吟咏然亦自知不逮。故祇敬

賡皇考元韻以誌欽向而不復徵蘇齋故

事也。題雪浪石二妙同時顯靈根蘊舊州韓園

定武建蘇石衆春留雪浪玲瓏潤芙蓉蒼古淨

屢邀

宸翰灑光采倍清瀏

韓園則仍其舊名而蘇石既移則雪浪齋亦隨宜而置今石且

有兩屢經題品未嘗分甲乙軒輊也。靈根之得顯於時不且因寶墨而增重於昔耶

韓蘇祠韓蘇皆屬宋名臣教陣興賢善政循

際遇不同品行一崇祠千古表忠淳

韓琦以宋慶恩祠鎮

定武軍蘇軾於宋哲宗時知定州其政績皆卓有可觀雖兩人遭遇不同然其所學具有本根

事蹟照耀史冊崇祠合祀表其忠淳於不泯也

堯母祠葱龍雲氣繞伊祁

山仰止高蹤萬代祠毓

聖鍾祥傳史冊永欽千古帝王師

瞻禮

帝堯祠敬依

皇考士子詩韻

先聖裡祠慶都邑。抒虔展謁寸衷欽。文思光被冠
賢哲。俊德昭明貫古今。

授受恩慈勉繼統。危微精一凜傳心。放勳遠溯彌增
愧。

庭訓親承勵永懃。至保定

靈雨祠行宮恭依

皇考壬子詩韻

靈祠近省會時雨感

天恩春沛叨滋沃秋稀免墊昏愛民師古訓繼
志守先言敦俗禁奢侈首從本計論清永齋雨暘

感協時熙怡清晝永簷簷鳥哢音檻前花颺影
得暇即觀書培養尺宅境慮淡物欲消集處勤
內省大慈閣瞻禮巍峩層閣煥雲楫滿月金
容現大慈願度羣生登極樂妙觀察智物無遺

遊蓮池書院書院育才廣教化蓮池攬勝湖
清溪知時澤溥三千界即景

詩拈十二題閣聚高芬草堂迺軒凝寒綠午坡低幾
餘延賞遙歸轡任彼菁莪吉士棲 賜直隸總
督溫承惠三輔資為政屏藩衛帝京修文敷教
化講武寄干城義正格愚魯心純底治平蓮池
一泓水疏濬本源清 賜直隸布政使方受疇
南邦昭世德首善作旬宣舊政勉能紹新猷務

普延用人先有守圖治最無偏徙倚甘棠蔭臨

風憶昔賢

紫泉十詠納爽軒宜敞和風四面

來授時臨孟夏花木暢芳蒨

軒敞

當門山幾仞

文石疊成屏掩映連蹊徑苔皴半院青

屏山

漪

瀾印芳渚百頃漾平湖明鏡光澄澈臨流形影

俱

鏡湖

如舟原是室倚岸繞朱欄止水心無競

長昭磐石安

舫室

結棧亭式雅藻繪不須施欣

有茅茨意還淳每切思

棧亭

一湖漾綠綺佳境

有橋通曲折赤欄接晴波卧彩虹虹坡陀映

汀渚點綴設魚魯濠濮觀生意錦鱗躍浪澄

疊石開莎徑幾間問景娛常存心坦蕩不覺

步崎嶇

石徑

綠雲滿芳埭披拂引清風勁節稍

雲直猗猗粉籜籠

竹埭

髻齡習弧矢五十未精

純繹志時勤學常觀德日新

箭廳

鏡湖晚泛清

波溶漾繞芳洲棹放花汀趁碧流橋界湖心分

內外雲輝鏡面互沈浮凝青遠岫連層閣飛翠

喬林映小樓。晉省豫游欣尚儉。觀生錫福勉前
修。舫室。古舫虛明艤沼東。柳絲拖碧拂簾櫳。
絮飄英舞清和候。几淨窗疎林籟遯。臨湖遠
望大房山。列岫紛披十笏間。遙挹臺懷脈絡接。
神游雲表古禪關。昨宵雷雨下遙岑。浙瀝滋
培入地深。潤繼中甸麥尤沃。一犁甘澤一犁金。
樓桑村。炎漢開基四百終。天教草昧起英雄。
三分吳魏名胥竊。正統西南論最公。諸葛勲猷

垂載籍。關張忠義貫長虹。惜哉後嗣昏愚甚。典
午當興值厄窮。涿州行宮有感。緬憶承
恩甲辰歲行宮涿郡蹕途經賡

詩共倚臨窗檻

觀射同游近水廳。茂密庭猶有嘉樹。摩挲鬢已點晨
星。撫時念昔增悲感。紀實昭茲奕葉聽。盼雨
正定農事佳。滋培沐甘澤。沃土茁良苗。依旬降
靈液。北上涿鹿郊。平甸盈二麥。連日風漸雄。塵

塏隱壠碧田功實艱辛霑溉斯有獲齊豫亦同
茲興雲願觸石為霖不崇朝寸誠祈感招敬俟
昊貺孚歲登民受益宏恩寺小憩攬轡青郊外來

瞻祇樹園三花聚紺蓋七寶煥珠璣具此莊嚴
相先修清淨原西巡典已備自愧未宏恩黃
新莊行宮晚坐良鄉城北行宮近迎駕羣臣道
左排蹕濟庶司期佐治抒猷亮采慰予懷林
際清風透碧紗簷浮金碧夕陽斜羣情皆喜旋

京邑念切蒼生四海家。迴蹕至圓明園即事。
時巡旋晉省。驗候正清和。所幸民無擾。良由吏
不苛。省耕始東作。沐澤應南訛。庶政虞叢脞。深
思五子歌。循典重申命。觀民萬乘臨。城街無
俗樂。林壑有清音。旬服叨深潤。京圻待繼霖。詩
成百餘詠。即事寫予心。嘉慶辛未孟夏。御筆鈐
寶。二。嘉慶。

臣工恭跋

欽惟我

皇上法

祖省方為民祈福以今歲季春之吉

肇舉西巡踰龍泉凌雁塞瞻禮乎靈鷲之峯
翠華所莅懿典炳爍嘉符懋燦胥於

宸章紀盛焉臣預拜

恩命校士禮闈未獲扈從効管陋於賡載仰企

卷阿暉麗雲日竊羨隨侍諸臣先睹為快而不

敢自冀迺蒙

頒示全帙捧誦裒然寵榮欣服不能言喻伏計
健行周度為候纔一更弦望耳

丹臺神速琳囊富有煌煌百有餘篇觀海望洋方
愕眙之不暇詎復能測循津岸於萬一哉惟
是我

朝曼珠福果妙契文殊

三莅

六巡前謨丕顯

聖駕邁循曩軌備舉上儀因事成什以

展謁抒慕以賡和繼

志緬

神威以述舊蹟闡儒釋以印

心源紀琳宮梵宇而興建之規紹焉誌甘霖慧日而

慈佑之應昭焉若夫歌豐劬農揜雅甄士

寓訓疆吏叶慶兆人壯晉冀之山川式唐魏之風

教信乎

一游一豫無非事者仰覲我

國家

聖

聖相承修典愈隆錫夢錫龜夢言謂無量福無量壽
者在是矣臣手胝口沫不勝踴躍忭頌之至

臣董誥拜手稽首恭次鈐印二臣誥

鑒藏寶璽寶笈三編石渠寶笈所藏